


U ime Allaha, Milostivog, Samilosnog

PREVOD HUDBI

23.6.2006. - 7.7.2006.



بِسْمِ اللَّهِ الرَّحْمَنِ الرَّحِيمِ ۞
نَحْمَدُهُ وَنُصَلِّي عَلَى رَسُولِهِ الْكَرِيمِ ۞
الْحَمْدُ لِلَّهِ رَبِّ الْعَالَمِينَ-
وَالصَّلَاةُ وَالسَّلَامُ عَلَى رَسُولِهِ مُحَمَّدٍ وَآلِهِ وَأَصْحَابِهِ أَجْمَعِينَ ۞

“Sva hvala pripada Allahu, Gospodaru svih svjetova; mir i blagoslov neka su na Njegovog vjerovjesnika Muhammeda, s.a.v.s., i na cijelo njegovo potomstvo i ashabe.”

Hudba 23.06.2006.

Božiji atributi Nasir i Nasiir (Pomagač)

Kratki sadržaj hudbe koju je održao Hazreti Mirza Masroor Ahmad Halifatul Masih V

(Napomena: Naš tim 'Alislam' preuzima punu odgovornost za bilo kakve greške ili nerazumijevanje u kratkom sadržaju ove hudbe)

Navodeći ajete 172. i 174. iz sureta Al Saffat (37:172-174) na početku hudbe Huzur a.b.a. je govorio na temu Božijih atributa Nasir i Nasiir (Pomagač) koju je započeo prije svog putovanja po Evropi.

Huzur a.b.a. je rekao da odlikom ovog atributa Allah pomaže i olakšava Svojim Poslanicima i zamjenjuje njihov strah mirom; zaista vrhunac ove Božije pomoći je viđen u osobi Časnog Poslanika s.a.v.s.

Pozivajući se na nekoliko detalja iz svoje prethodne hudbe na ovu temu Huzur a.b.a. je dalje objasnio potpuni bojkot muslimana od strane Mekanlija kad je Časni Poslanik s.a.v.s. skupa sa svojom porodicom i svojim sljedbenicima bio prisiljen da se skloni u napuštenuj dolini

poznatoj kao Shaib Abi Talib, tri duge godine suočen sa glađu i žeđu. Kurejšije su istakli ugovor bojkota na zidovima Kabe za sve poglavice da vide i da vode računa o tome. Nakon što su prošle tri godine Časni Poslanik s.a.v.s. je rekao svom amidži Abu Talibu da ga je Bog obavijestio da je, osim onoga što je spominjalo Božije ime na ugovoru, ostatak bio pojedena od insekata. Abu Talib je otišao do Kurejšija i spomenuo ovo i kad su provjerili našli su da je ovo bilo istinito. Na ovo su nekoliko poštenih poglavica rekli da ovaj bojkot mora prestati i ovako je to bilo završeno.

Huzur a.b.a. je rekao da je to zaista bila Božija pomoć da je učinio da se ovo dogodi. On je objasnio da iako se dogode privremene teškoće, krajnje uzdizanje je za Allahove ljude i to je odlikom Božijeg obećanja što Božiji Poslanici nose poruku istine drugima.

Citirajući pisanja Obećanog Mesije a.s. Huzur a.b.a. je naveo da pet izvanrednih događaja u životu Časnog Poslanika s.a.v.s. su takvi da bi on sigurno bio ubijen da nije bio istinski Božiji Poslanik - kad je bilo nemoguće da njegov život bude spašen.

Prvo, to je bilo kad su pagani Meke opkolili njegovu kuću i zakleli se da ga ubiju, onda vrijeme kad su stigli do ulaza pećine gdje je Časni Poslanik s.a.v.s. sjedio skrivajući se sa Hazret Abu Bekrom r.a., onda u bici na Uhudu kad je Časni Poslanik s.a.v.s. bio ostavljen sam i Mekanlije su ga opkolili sa isukanim sabljama, onda u vrijeme kad je jedna žena Jevrejka otrovala Časnog Poslanika s.a.v.s. smrtonosnim otrovom i na kraju vrijeme kad je Khusro Pervaiz (kralj Perzije) odlučio da ubije Časnog Poslanika s.a.v.s. i poslao vojnike radi ovoga.

Objašnjavajući ove događaje jedan po jedan, Huzur aba je počeo napominjući da su poslije ove nevolje Shaib Abi Taliba, i Abu Talib i hazret Hatidža (r.a.) umrli. Mekanlije su ih oboje visoko poštovali, tako da su poslije njihove smrti bili svi zajedno odlučili da ubiju Časnog Poslanika s.a.v.s., koji je bio od Boga obaviješten o ovoj zavjeri. To je bilo vrlo teško vrijeme kad su oni postavili zasjedu oko njegove kuće; međutim, nerazboriti ljudi nisu cijenili, uprkos njihovih vlastitih prošlih iskustava u ovom pogledu, da je Allah pomogao ovog Poslanika više nego bilo koga drugog. Kad su oni opkolili njegovu kuću Časni Poslanik s.a.v.s. je naložio Hazret Aliju r.a. da vrati sve amanete njihovim vlasnicima koje su ljudi ostavili kod njega i da legne u njegov krevet (na njegovo mjesto) i rekao je da mu neprijatelji nikada ne mogu nauditi – za to vrijeme on se pripremio da iseli za Medinu. Onda je sa potpunim

olakšanjem prošao pored Mekanlija u čvrstoj vjeri da će ga Allah spasiti i da je ovo preseljenje zaista bilo po Njegovoj naredbi.

Časni Poslanik s.a.v.s. je sa Hazret Abu Bekrom r.a. otišao do pećine nazvane Tur gdje su obojica sjedili kad su ih Mekenlije gonili, zapravo je Časni Poslanik s.a.v.s. bio tako bez brige u svom postojanom vjerovanju o Božijoj pomoći da je stavio svoju glavu na hazret Abu Bakrovo bedro i kratko zaspao. Po Božijoj naredbi pauk je ispleo mrežu oko ulaza pećine i golub je napravio mrežu. Ovo su bili izvanredni znakovi koji su prevarili Mekanlije u tome da su oni smatrali da nije bilo moguće da se iko skriva u toj pećini. Ovo je prilika kad je Časni Poslanik s.a.v.s. uvjeravao Hazret Abu Bekra r.a. (9:40) o Allahovoj pomoći uprkos odlučnosti neprijatelja prisutnih nekoliko stopa od njih.

U bici na Uhudu kad su nevjernici napali drugi put, u jednom momentu njihovi napadi su bili tako oštri da su se ashabi bojali i Časni Poslanik s.a.v.s. je bio ostavljen sam i bio je pogođen sa nekoliko kamenica, koji premda su ga povredili, međutim neprijatelji nisu mogli ostvariti krajnji rezultat kojem su težili; to jest da ubiju Poslanika. U ovakvoj situaciji nije moguće da je ovo moglo biti tako drukčije nego sa Božijom posebnom pomoći.

Huzur a.b.a. se pozivao na bitku na Huneinu koja je vođena poslije pobjede Meke i muslimani su smatrali da sa armijom od 12000 ljudi oni ne mogu biti pobijedjeni. Međutim, neki od novopridošlih u islam nisu imali jaku vjeru i kao rezultat u toku ove bitke došao je trenutak kad su se muslimani suočili sa porazom, ali su bili uz Božije obećanje da je pobjeda Njegove vojske, i Allah je promijenio ovu situaciju. Kroz ovo je Allah htio da pojasni muslimanima da to nije bilo njihovo planiranje, njihov veliki broj it.d. što će im pomoći da pobijede, zapravo da pomoć treba da traže jedino od Allaha.

Zaista uprkos što su mu data Božija obećanja i uvjerenja o pobjedi, Časni Poslanik s.a.v.s. je uvijek molio Allaha i uvijek tražio Njegovu pomoć kad je išao u borbu.

Huzur a.b.a. je naveo ajete 25. i 26. iz sureta Al Teuba (9:25, 26) da objasni da je svaka prošla i buduća pobjeda zapravo kod Allaha i zbog molitvi Časnog Poslanika s.a.v.s.

Priča o ženi Jevrejki koja je Časnom Poslaniku s.a.v.s. donijela otrovan ispečeni but jagnjeta, govori da, kad je Poslanik sjeo sa svojim ashabama on je uzeo zalogaj ali je odmah shvatio i tražio od sviju da ne jedu. On je pozvao ovu Jevrejku i kad ju je pitao ona je priznala da je zatrovala

meso. Rekla je da je smatrala da ako je on istinski poslanik, Bog će ga spasiti od otrova.

Otrov jeste imao neki fizički efekat na Poslanikovo grlo, ali ga je Bog sačuvao od stvarne povrede.

Objašnjavajući peti izvanredni događaj u životu Časnog Poslanika s.a.v.s. kako je naveo Obećani Mesija a.s. Huzur a.b.a. je objasnio da su Jevreji prigovarali kralju Persije, Khusro Pervaizu, da jedan arapski poslanik okuplja silu. Kralj je naredio guverneru Jemena da odmah uhapsi tog Poslanika i dovedu ga njemu. Guverner je poslao dva čovjeka za ovu svrhu ali im je rekao da ne budu previše grubi. Ovi ljudi su stigli u Medinu i otišli da vide Poslanika koji im je rekao da čekaju dan ili dva. Ovi ljudi su se složili ali su pojasnili da (muslimani) ne budu pod bilo kakavom iluzijom da će umaći s tim zato što je kralj bio vrlo moćan. Oni su se vratili sljedećeg dana ali je od njih zatraženo da čekaju; trećeg dana od njih je ponovo zatraženo da čekaju ali su oni rekli ne, da je trajanje isteklo. Na ovo je Časni Poslanik s.a.v.s. odgovorio da je te noći njegov Bog ubio njihovog boga. Ljudi su se vratili guverneru i naveli cijeli slučaj; guverner je odlučio da čeka. Poslije oko dva dana ili oko toga stigao je brod noseći zastavu koja je bila drugačija od one kraljeve. Guverner je odmah pozvao ambasadora koji je doputovao brodom. Ambasador je donio pismo sa sobom koje je nosilo pečat novog kralja i koji je objasnio da je poslije njegove okrutnosti stari kralj bio ubijen i zamijenjen novim. Zatim je rekao da je naredba starog kralja da uhapsu Arapskog Poslanika bila povučena. Govorilo se da je guverner Jemena bio tako obuzet da je primio islam.

Huzur a.b.a. je rekao da je mnogo više slučajeva kao ovi u životu Časnog Poslanika s.a.v.s. koji rasvjetljavaju izvanrednu Božiju pomoć i potporu koja mu je bila poklonjena. Pa ipak se on na svakom koraku okretao Allahu i neprestalno tražio Njegovu pomoć. Huzur a.b.a. je pročitao molitvu Časnog Poslanika s.a.v.s. i savjetovao sviju da je uče. Ona glasi ovako:

'O moj Gospodaru, pomози mi i nemoj pomagati neprijatelje protiv mene. Pokloni mi uspjeh i nemoj dati uspjeha neprijateljima protiv mene. Napravi prikladan aranžman za mene i nemoj praviti aranžman protiv mene. Uputi me i obezbjedi uputu za mene. Ne daj uspjeha nadamnom bilo kojoj takvoj osobi koja prelazi granice protiv mene.'

Huzur a.b.a. je rekao pozivajući se na pisanje Obećanog Mesije a.s. da u suretu Al Fil (sure 105.) Allah označio Časnog Poslanika s.a.v.s. kao što je i Kabu i proglasio da ko god planira da ga uništi umjesto toga ima njihov plan da djeluje protivno i da će ovo ostati tako do Sudnjeg dana da svaki put kad bilo koji As'hab il Fil (narod slona) ustane protiv Poslanika.

U zaključku je Huzur a.b.a. rekao da je u ovom dobu Allah poslao istinskog predanika Časnog Poslanika s.a.v.s. u formi Obećanog Mesije a.s. i nastaviti će da pomaže i pruža potporu preko njega.

Da nam Allah pokloni snagu vjere tako da ne budemo među onima koji protrate Božija obećanja data Časnom Poslaniku s.a.v.s.; da se kroz njegovog istinskog predanika, Obećanog Mesiju a.s. osvjedočimo u ispunjenje ovih Božijih obećanja i da ona postanu dio naših života.

Veselam

Hudba 30.06.2006.

Božija pomoć

Kratki sadržaj hudbe koju je održao Hazreti Mirza Masroor Ahmad Halifatul Masih V

(Napomena: Naš tim 'Alislam' preuzima punu odgovornost za bilo kakve greške ili nerazumijevanje u kratkom sadržaju ove hudbe)

Huzur a.b.a. je održao hudbu na temu manifestacije Božije pomoći u odnosu na pomoć datu Obećanom Mesiji a.s. na svakom koraku tog puta; ovo, Huzur a.b.a. je objasnio, je bilo zbog odlike istinske i žarke ljubavi koju je on imao prema Časnom Poslaniku s.a.v.s.. Obećani Mesija a.s. je rekao da bi bila velika nezahvalnost ne priznati da je znanje o Živom Bogu bilo postignuto jedino kroz ovog cijenjenog Poslanika s.a.v.s. i ko god njega iskreno slijedi u ovom dobu tome je dat duhovni život i nebeski blagoslovi i on postaje jedinstvena osoba među svim ljudima. Huzur a.b.a. je objasnio da u ovom dobu ova 'jedinstvena' osoba u čiju potporu su bili manifestovani čudesni znakovi nije bio niko drugi nego

Obećani Mesija a.s. i zajednica koja će slijediti Časnog Poslanika s.a.v.s. i održavat će istinsku i predanu ljubav prema njemu uvijek će imati udjela u Božijoj blagodati. Navodeći hadis Huzur a.b.a. je rekao da grupa ljudi koji su prihvatili Obećanog Mesiju a.s. su zaista oni za koje će Božija pomoć uvijek dolaziti.

Zatim je Huzur a.b.a. ispričao nekoliko Božijih objava Obećanog Mesije a.s. koje su izražavale njegovu istinitost i značaj njegove misije i pročitao je isječak pisanja Obećanog Mesije a.s. koji tvrdi da sve objave predskazuju da će preko ovog poslanika biti dokazana nadmoć islama i da niko drugi nema sposobnosti i moći da dokaže svoju vjeru u poređenju s njim.

Huzur a.b.a. je rekao da ovo nije samo tvrdnja, zapravo su tokom godina bili pokazani nebrojeni znakovi da dokažu istinitost Obećanog Mesije a.s.. Među njima, najmoćniji znak je bio pomračenje Sunca i pomračenje Mjeseca. Uz to je bio znak kuge, znakovi zemljotresa i znakovi naučne savršenosti, kao i izvanredni i zadivljujući načini na koje su novčane potrebe uvijek bile podmirene na vrijeme, kao i način na koji su srca ljudi bila naklonjena prema Obećanom Mesiji a.s. bez ikakvog očitog napora.

Govoreći o presudnoj prirodi znaka pomračenja Sunca i Mjeseca Huzur a.b.a. je rekao da čak u vrijeme ove pojave neki su vjerski učenjaci iznijeli sumnje o vjerodostojnosti potpornih hadisa iako, jednom kad je predskazanje ispunjeno, diskusija o njegovoj vjerodostojnosti je beskorisna. Huzur a.b.a. je spomenuo Davida McNaughtona koji je nedavno pisao pod naslovom 'Pogreške u Ahmadija teoriji pomračenja' i nastojao je da dokaže da postoje neka neslaganja u datumima pomračenja. Međutim, profesor Salih Allah Din, Ahmadi iz Indije je napisao odgovor na ovo i dokazao da izgleda da postoji neko nerazumijevanje i da su ovi datumi zaista tačni. Huzur a.b.a. je rekao da je to naučni odgovor i da će uskoro biti stavljen na internet.

Huzur a.b.a. je dalje objasnio da ima mnogo znakova koji su na ovoj zemlji bili pokazani u potporu Obećanog Mesije a.s. i da oni nastavljaju da se manifestuju. Činjenica je da su poslije dolaska Obećanog Mesije a.s. zemljotresi bili učestaliji, kuga je takođe stvorila pustošenje i da je AIDS zaraza sadašnjeg doba takođe jedna vrsta kuge. Huzur a.b.a. je pročitao posebne objave Obećanog Mesije koje obrađuju pojavu zemljotresa.

Čitajući iz poštovanog pisanja Obećanog Mesije a.s. Huzur a.b.a. je rekao da je bilo neophodno da se dogodi veliki broj smrti u vrijeme Mesije, ne zato što su hadisi prikazali Mesiju ovog doba kao ljudoždera,

zapravo je zaključak taj da će, pošto će ga ljudi odbiti i vređati, njihovo odbijanje postati uzrok njihove smrti. Činjenica ove stvari je da poslanik ne uzrokuje nesreću; zapravo pojava nesreće postaje presudan dokaz njegove istinitosti.

Zadatak je Ahmadi muslimana da poruku Ahmadijata prenesu širem svijetu i da im daju do znanja da spas sada leži u sferi sigurnosti, a to je Ahmadijat. Huzur a.b.a. je napomenuo da se pojavljuju velike nesreće svuda u svijetu i da AIDS uzrokuje stotine hiljada smrti.

Tumačeći naučni i znanstveni znak rasprave 'Filozofija učenja islama' Huzur a.b.a. je pročitao najavu Obećanog Mesije a.s. objavljenu prije nego što je ova rasprava bila pročitana, opisujući to kao radosnu vijest za tragače za istinom da je ovo bilo preko i iznad ljudskih moći i da je bilo napunjeno istinama i duhovnim znanjem Časnog Kur'ana. Navodeći objavu u riječima '*Bog je s tobom, Bog stoji gdje ti stojiš*', Huzur a.b.a. je rekao da je ovo metafora za Božiju pomoć.

Zatim je Huzur a.b.a. naveo drugo naučno čudo koje je bilo 'Hudba Ilhamia' ili 'Objavljena hudba'. Bilo je to 11. aprila 1900. godine na dan kurban bajrama kad je Obećani Mesija a.s. primio objavu da on treba da na bajram održi govor (hudbu) na arapskom jeziku i da će mu biti data moć da to učini. Izražajnost i izuzetna razgovjetnost hudbe su bili oporuka činjenici da je to bilo uz Božiju pomoć. Obećani Meisja a.s. je napisao da, kako je on izgovarao spontane fraze izražajnog arapskog jezika, osjećao je kao da melek govori u njemu.

Obećani Mesija a.s. je tražio od svojih dva druga da zapišu ovu hudbu dok on govori, i započeo je hudbu sa riječima 'Ja EbaadAllah' (O, robovi Božiji) i općinio je publiku. Iako je u publici bilo samo mali broj ljudi koji su govorili arapski ipak su svi bili kao u zanosu, dok je držanje Obećanog Mesije a.s. dok je govorio bilo nastup drugog svijeta.

Huzur a.b.a. je zaključio da je ovo bilo samo mali broj primjera od nebrojenih znakova datih Obećanom Mesiji a.s.. Huzur a.b.a. je molio da Allah podari mudrost svijetu i osposobi ih da priznaju Imama ovog doba, inače, Huzur a.b.a. je rekao, mi vidimo redovne pojave (uništenja) koje se mogu ponovo dogoditi. Kazna Moćnog i Časnog Boga je krajnje oštra, da Allah ima milosti.

Na kraju je Huzur a.b.a. najavio ime koje je odabrao za prostor za novi godišnji skup (đelsu) Velikoj Britaniji u Altonu. To će biti Hadiqa tul Mehdi (bašta Mehdiya).

Vesalam

Hudba 07.07.2006.

Pet istaknutih znakova Božije pomoći

*Kratki sadržaj hudbe koju je održao Hazreti Mirza Masroor Ahmad
Halifatul Masih V*

***(Napomena: Naš tim 'Alislam' preuzima punu odgovornost
za bilo kakve greške ili nerazumijevanje u kratkom sadržaju
ove hudbe)***

Huzur a.b.a. je održao hudbu na temu pet istaknutih znakova Božije pomoći i o pomoći poklonjenoj Obećanom Mesiji a.s. kad su njegovi protivnici nastojali da ga ponize.

Ovo je bilo pet slučajeva kad su neprijatelji iskoristili svoja maksimalna sredstva i nastojali što su najviše mogli da nanesu štetu Obećanom Mesiji a.s., ali je svaki put Obećani Mesija a.s. bio od Boga unapred obaviješten da će on nadvladati i da njemu nikakva šteta neće doći.

Prvi događaj je bio kad je dr Martin Clark podnio protiv Obećanog Mesije a.s. tužbu sudu o ubitstvu. Prije ovog događaja Obećani Mesija a.s. je primio nekoliko snažnih objava i vizija o Božijoj pomoći. Do ovog slučaja je došlo kad su nekoliko drugova dr Martin Clarka podučili osobu po imenu Abdul Hameed da prijavi da ga je Obećani Mesija a.s. poslao da ubije dr Clarka i prijetio mu zatvorom ako to ne učini. Abdul Hameed se tome privolio i ispunio prijavu, i kao rezultat toga bio je izdan nalog o hapšenju za Obećanog Mesiju a.s.. Huzur aba je pročitao tekst naloga o hapšenju. Ovaj nalog je bio izdat iz grada Amritsira koji je samo 35 milja udaljen od Kadiana. Međutim, prema Božijem obećanju Allah je zaštitio Obećanog Mesiju a.s.. Šest dana poslije izdavanja ovog naloga vlasti u Amritsiru su shvatili da je bila napravljena greška i da nalog ne može biti izdat ako je krivac bio izvan ove oblasti. Da je nalog bio izdat kako su namjeravali, Obećani Mesija a.s. piše da bi on morao podnijeti poniženje hapšenja.

Po Božijem planu sudija obližnjeg Gurdaspura je smatrao da nalog nije bio potreban i da je bilo prikladno slanje poziva na sud.

Hodže su imali veliku želju da vide spektakl hapšenja, što se nije ostvarilo; oni su takođe došli na sudski proces. Međutim, na sudu je

sudija bio krajnje učtiv i uljudan prema Obećanom Mesiji a.s. i ponudio mu stolicu da sjedne i rekao da on nije vjerovao u ovu optužbu. Nasuprot, kad su hodže tražili stolice da sjednu bili su prekoreni.

Abdul Hameed je priznao da je bio obučavan od drugova dr Martin Clarka, i sudija je napisao vrlo oštro pismo i oslobodio Obećanog Mesiju a.s.. Svaki od ovih događaja su kroz razne objave bili predskazani Obećanom Mesiji a.s..

Navodeći pisanje nekoga izvan Džemata Huzur a.b.a. je govorio o načinu na koji je sudija, koji je bio zamjenik komesara, po imenu kapetan Douglas, kome su činjenice bile kazane od Boga. On je vidio jasne vizije u kojima ga je melek obavijestio da je Mirza Sahib bio nevin; osim toga vidio je lično Obećanog Mesiju a.s. da ponavljajući tvrdi svoju nevinost-toliko da je kapetan Douglas mislio da gubi razum. Njegov kolega, nadzornik je bio pozvan koji je savjetovao da se Abdul Hamid ukloni od nadzora sveštenika i pošalje pod nadzor policije; ovo nije pomoglo. Na kraju je nadzornik lično ispitivao Abdul Hamiida na što se on izdao i priznao istinu da je bio obučavan od drugih; tako je Obećani Mesija a.s. bio oslobođen.

Drugi znak Božije pomoći je bio slučaj Maulvi Muhammed Huseina Batalvi koji je pribavio krivične radnje protiv Obećanog Mesije a.s. navodeći da on je namjeravao da ga ubije.

Maulvi Batalvi je ovo zasnovao na slučaju Mubahala (duel dovom). Hindusi i kršćani su mu takođe došli u pomoć i bio je pripremljen veliki slučaj protiv Obećanog Mesije a.s. sa protivnicima koji su učinili sve u svojim naporima. Pa ipak je Obećani Mesija a.s. bio smiren i razvedren pošto je od Boga bio obaviješten da će biti oslobođen.

Huzur a.b.a. je objasnio da je Obećani Mesija a.s., u svojoj knjizi 'Hakika tul Mehdi', ispričao pojedinosti ove vizije koju je vidio o ovom slučaju. On je od Boga bio uvjeren da će mu On pomoći i da će vlastima biti data pronicljivost i prosvjetljenje da dođu do činjenica. Na dan presude Obećani Mesija a.s. je otišao u Gurdaspur sa svojim prijateljima; dok su se hodže naslađivali da vide da su njihove zamisli došle do ostvarenja, Obećani Mesija a.s. je znao da su okorjele vlasti bile smekšane. Ovaj slučaj, koji je policija krajnje valjano pripremila, bio je oboren i odbačen; zapravo je sudac prokomentarisao da je Obećani Mesija a.s. imao svako pravo da traži pomoć od suda u pogledu klevetničkih riječi koje je za njega upotrebio Maulvi Batalvi, kome je za redom bilo rečeno da se uzdrži od klevetanja.

Treći slučaj je bio o Maulvi Karam Dinu Jehlemi koji je napisao neka pisma koja je Obećani Mesija a.s. objavio u svojoj knjizi 'Nazul e Mesih' kao što ih je i urednik proglasa Džemata nazvanog 'Al Hakm' objavio u proglasu.

Maulvi Karam Din je kasnije tvrdio da on nije napisao ova pisma i da su ona bila izmišljena; on je takođe rekao da je sve što se ticalo Mirze Sahiba bilo neistinito. Obećani Mesija a.s. nije tražio zakonski postupak u nadi da će možda doći pobijanje.

Međutim, kad poslije tri mjeseca nije bilo dato pobijanje drugi su podnijeli prigovor. Situacija se dalje iskomplikovala i bio je podnesen još jedan prigovor. U odgovoru je Karam Din podnio slučaj u sudu Pomoćnika komesara grada Đehlama. Bili su izdani nalozi za hapšenje i sudu su bili poslani pozivi za sud. Međutim, slučaj je bio na svojim početnim stadijima kad je dostigao pozitivan ishod. Huzur a.b.a. je pročitao nekoliko objava datih Obećanom Mesiji a.s. i govorio o vremenu kad je on otišao u Đehlem radi sudskog procesa da ga je tamo srelo deset hiljada ljudi, koji su vlasti ostavile začuđene. Mnogi od ovih ljudi su dali zavjet odanosti (Bai'ata) a drugi su donijelei poklone i zaista je sudski postupak bio otpušten.

Četvrti slučaj se takođe odnosi na Maulvi Karam Dina gdje je on podnio drugi sudski postupak u Gurdaspuru i uveliko se nadao uspjehu ovog puta. Međutim Allah je obavijestio Obećanog Mesiju a.s. o mucu kroz koju će vlada proći. Ovo se manifestovalo u dvojici sinova jedne osobe na vlasti, koji su umrli. Ovaj slučaj je bio predan sudu odjelnog sudije odakle je Obećani Mesija a.s. bio obuhvatno razriješen.

Peti i zadnji slučaj se odnosi na Lekh Rama koji je bio bogohulan o Časnom Poslaniku s.a.v.s.. Na početku je Obećani Mesija a.s., kako je bio obaviješten od Boga, dao predskazanje o načinu na koji će Lekh Ram dočekati svoj kraj, koji, uprkos mnogih opreza koje je Lekh Ram poduzeo, on nije mogao izbjeći. Poslije njegovog ubitstva, tačno prema predskazanju, Obećani Mesija a.s. je bio osumnjičen i njegova kuća je bila pretražena ali policija nije mogla naći ni trun dokaza. Huzur a.b.a. je objasnio da u vrijeme kad je policija stigla da pretraži njegovu kuću Obećani Mesija a.s. je čitao kopiju svoje knjige 'Sirađ e Munir' koja tvrdi da će on proći kroz iskušenje kao ono Hazret Mesiha. Uza sve to, nadzornik policije je stigao sa svojim ljudima i opkolio je kuću, ali je Obećani Mesija a.s. ostao miran i spokojan.

On je policiju upustio u kuću i kazao im da pretražuju na svoje zadovoljstvo. Bila je provedena brižljiva pretraga cijele kuće; policija je

pronašla pismo čestitke za smrt Lekh Rama, koje je bilo napisano Obećanom Mesiji a.s.. Umjesto da bude uznemiren time on je otišao i donio policiji hrpu pisama da pregledaju. Policija se na kraju vratila bez ikakvog dokaza.

U zaključku je Huzur a.b.a. rekao da postoji veliki broj drugih znakova u potporu Obećanog Mesije a.s. koji pobuđuju vjeru; on je molio da Allah uvijek povećava našu vjeru.

Vesalam